

# Rifampin (RMP)

## Tagalog



### Gabay ng pasyente sa pag-inom ng gamot sa TB

#### Ano ang Rifampin?

Ang Rifampin (RMP) ay isang antibiotiko na panlunas sa tuberculosis (TB). Ginagamit ito sa dalawang paraan:

1. Panggamot sa impeksyon ng TB
2. Panlunas sa sakit na TB kung kasabay ng iba pang gamot sa TB.

Ang mga mikrobyo ng TB ay mabagsik at mahirap puksain. Kakailanganin ninyong inumin ang gamot na ito nang 6 hanggang 12 buwan upang puksain lahat ang mikrobyong TB. Ang inyong doktor ang magpapasiya kung ilang buwan ninyong iinum ang gamot.

#### Paano kong iinum ang gamot na ito?

- Mahalagang inumin ninyo ang gamot araw-araw o ayon sa payo ng inyong doktor
- **Sabihin agad sa inyong doktor kung natigil kayo sa pag-inom nito**
- Kung minsan at nakaligtaan ninyong uminom sa takdang oras, ipagpatuloy ulit ang pag-inom, subalit huwag dodoblehin sa takdang pag-inom.
- Subukang inumin ang gamot nang walang laman ang tiyan. Kung makasira ito ng inyong tiyan, isabay sa pagkain.
- Alalahaning sabihin sa inyong doktor ang iba pang gamot na inyong iniinom o kung may bago kayong gamot na iinum.
- Itabi ang RMP sa isang malamig at tuyong lugar.

**HUWAG IINOM** ng anumang inuming may alkohol habang umiinom ng gamot na ito. Maaaring makasira ito sa inyong atay.

- **Maaring hindi umepekto** ang *birth control pills* habang umiinom kayo ng gamot na ito

- Kung buntis o nagpapasuso ng sanggol, humingi ng payo sa inyong doktor bago uminom ng gamot na ito.
- Huwag magsuot ng *soft contact lens* habang umiinom ng gamot na ito

#### Anong masamang bisa (*side effect*) ang dapat kong subaybayan?

- Ang karamihan ay walang suliranin habang umiinom ng RMP
- Habang kayo'y umiinom ng RMP, kailangan kayong subaybayang mabuti ng inyong doktor
- **Ang pangkaraniwang mga masamang bisa nito ay:**
  - Sirang tiyan
  - *Orange* o mapulang laway, luha, ihi o dumi (huwag mag-alala)
  - Singaw sa balat, na karaniwa'y mapula at makati.
  - Sintomas ng trangkaso (lagnat, pangingilig, pagkahilo, kakapusan ng hininga)
- **Kung magkaroon kayong mas maselan na mga “side effect”, ihinto ang pag-inom ng gamot at tawagan kaagad ang inyong doktor**
  - Pagkahapo / sobrang pagkapagod
  - Pagkahilo / pagsusuka
  - Pamumulikat sa tiyan / sakit ng tiyan
  - Kawalan ng ganang kumain
  - Paninilaw ng balat o puti ng mga mata
  - Matingkad na pagkadilaw ng ihi
  - Lagnat ng tatlong araw o mahigit pa

#### Mga payo sa pag-inom ng gamot para sa TB

- Inumin ang inyong gamot sa tamang oras araw-araw, halimbawa:
  - Bago matulog sa gabi
  - Pagkagising sa umaga
- Gumamit ng lalagyan ng pildoras na may bilang para sa isang linggo
- Takda ang bawat araw nang pag-inom ninyo ng gamot sa kalendaryo
- Kausapin ang isang kamag-anak o kaibigan na paalalahanan kayo
- Subukan din ang Panggamot na Malapitang Pagsubaybay (*Directly Observed Therapy-DOT*)

Kung mayroon kayong mga tanong at pag-aalala tungkol sa inyong mga gamot o tungkol sa TB, tawagan ang inyong doktor o ang Toronto Public Health sa **416-338-7600**

E-mail: [targettb@toronto.ca](mailto:targettb@toronto.ca)

Web site: [www.toronto.ca/health/tb\\_prevention](http://www.toronto.ca/health/tb_prevention)

 **TORONTO** Public Health